



Број: 01/4-50-3-4-14/15
Сарајево, 15.10.2015.

Z A P I S N I K

14. sjednice Komisije za finansije i budžet Predstavničkog doma Parlamentarne skupštine BiH, održane 14.10.2015., od 10,30 do 12,50 sati.

Sjednici Komisije prisustvovali su članovi: Predrag Kožul, Amir Fazlić, Mirsad Isaković, Dušanka Majkić, Jasmin Emrić i Damir Bećirović.

Opravdano su odsustvovali: Salko Sokolović, Nenad Lalić i Aleksandra Pandurević.

Sjednici su, također, prisustvovali: Vlatko Dugandžić, pomoćnik ministra, Sehija Mujkanović, pomoćnica ministra finansija i trezora BiH, Munevera Baftić, rukovoditeljica Odjela finansijske revizije, Magdalena Pejak, revizor učinka, Nikola Jokić, revizor učinka u Uredu za reviziju institucija BiH, Samir Mušović, savjetnik u USAID SGIP, Nejra Neimarlija-Roić, saradnica Instituta za razvoj mladih KULT, Dragana Ćirić, stručna savjetnica u Komisiji za finansije i budžet Doma naroda PSBiH, Zoran Brkić, viši stručni saradnik u Odjela za informiranje Sektora za odnose s javnošću Sekretarijata PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje zapisnika 12. i 13. sjednice Komisije;
2. Razmatranje Izvještaja o izvršenju Budžeta institucija BiH i međunarodnih obaveza BiH za 2014. godinu (podnosilac: Predsjedništvo BiH);
3. Razmatranje Izvještaja o finansijskoj reviziji Izvještaja o izvršenju Budžeta institucija BiH za 2014. godinu (sačinilac: Ured za reviziju institucija BiH);
4. Razmatranje Izvještaja o izvršenoj reviziji učinka o temi: „Energetska efikasnost u institucijama BiH“ (sačinilac: Ured za reviziju institucija BiH).

Predloženi dnevni red usvojen je jednoglasno.

Ad.1. Usvajanje Zapisnika 12. i 13. sjednice Komisije

Zapisnik 12. sjednice Komisije usvojen je jednoglasno, bez primjedbi.

Zapisnik 13. sjednice Komisije usvojen je jednoglasno, bez primjedbi.

Predsjedavajući Komisije predložio je da se objedini rasprava o tač. 2. i 3. dnevnog reda.

Komisija je jednoglasno podržala prijedlog i objedinila raspravu o tač. 2. i 3. dnevnog reda.

Ad.2. Razmatranje Izvještaja o izvršenju Budžeta institucija BiH i međunarodnih obaveza BiH za 2014. godinu (podnosilac: Predsjedništvo BiH)

Ad.3. Razmatranje Izvještaja o finansijskoj reviziji Izvještaja o izvršenju Budžeta institucija BiH za 2014. godinu (sačinilac: Ured za reviziju institucija BiH)

Izvještaj o izvršenju Budžeta institucija BiH i međunarodnih obaveza BiH za 2014. godinu obrazložio je Vlatko Dugandžić, pomoćnik ministra finansija i trezora BiH. Izvještaj o finansijskoj reviziji Izvještaja o izvršenju Budžeta institucija BiH za 2014. godinu obrazložila je Munevera Baftić, rukovoditeljica Odjela za finansijsku reviziju u Uredu za reviziju institucija BiH.

Potom je otvorena rasprava u kojoj su učestovali: Dušanka Majkić, Jasmin Emrić, Predrag Kožul, Amir Fazlić, Damir Bećirović, Mirsad Isaković, Vlatko Dugandžić, pomoćnik ministra, Sehija Mujkanović, pomoćnica ministra finansija i trezora BiH, Munevera Baftić, rukovoditeljica Odjela za reviziju u Uredu za reviziju institucija BiH, i Samir Mušović, savjetnik u USAID SGIP.

Nakon rasprave Komisija, s dva glasa „za“ i četiri glasa „protiv“, nije prihvatila Izvještaj o izvršenju Budžeta institucija BiH i međunarodnih obaveza BiH za 2014. godinu.

Potom je Komisija jednoglasno prihvatila Izvještaj o finansijskoj reviziji Izvještaja o izvršenju Budžeta institucija BiH za 2014. godinu.

Također, Komisija je jednoglasno usvojila sljedeće zaključke:

1) Predstavnički dom traži od Vijeća ministara BiH da izvrši detaljnu analizu sadržaja revizorskog izvještaja za 2014. godinu, te izradi i dostavi u roku od 90 dana Predstavničkom domu akcioni plan (s tačno definiranim zaduženjima, nosiocima aktivnosti i rokovima) za realizaciju revizorskih preporuka po Izvještaju o finansijskoj reviziji Izvještaja o izvršenju Budžeta institucija Bosne i Hercegovine za 2014. godinu.

2) Predstavnički dom traži od Vijeća ministara BiH i Predsjedništva BiH da u zakonom predviđenom roku u parlamentarnu proceduru dostave Prijedlog zakona o Budžetu institucija BiH i međunarodnih obaveza BiH za 2016. godinu.

Ad.4. Razmatranje Izvještaja o izvršenoj reviziji učinka o temi: „Energetska efikasnost u institucijama BiH“ (sačinilac: Ured za reviziju institucija BiH)

Izvještaj o izvršenoj reviziji učinka o temi „Energetska efikasnost u institucijama BiH“ obrazložio je Nikola Jokić, revizor učinka u Uredu za reviziju institucija BiH.

Potom je otvorena rasprava u kojoj su učestvovali: Predrag Kožul, Dušanka Majkić, Damir Bećirović, Nikola Jokić, revizor učinka u Uredu za reviziju institucija BiH, i Samir Mušović, savjetnik u USAID SGIP.

Nakon rasprave, Komisija je jednoglasno prihvatila Izvještaj o izvršenoj reviziji učinka o temi „Energetska efikasnost u institucijama BiH“.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 14. sjednice Komisije za finansije i budžet PDPSBiH